

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӦН ИНДӦД

Отставкаын либӧ пенсия вылӧ петӧм Коми Республикалӧн Оланподув Ёрдса ёрдысьяслы санаторно-курортнӧя бурдӧдчӧмсӧ мынтан пӧрадок, мында да условиеяс йылысь

«Коми Республикалӧн Оланподув Ёрд бырӧдӧмкӧд йитчӧм ӧткымын юалӧм да такӧд йитӧдын Коми Республикаса ӧткымын оланпас вынтӧмӧн лыддьӧм йылысь» 2021 во вӧльгым тӧлысь 25 лунся 123-РЗ №-а Коми Республикаса Оланпаслӧн 7 статья серти шуа:

1. Отставкаын либӧ пенсия вылӧ петӧм Коми Республикалӧн Оланподув Ёрдса ёрдысьлы санаторно-курортнӧя бурдӧдчӧмсӧ мынтӧны санаторно-курортнӧя бурдӧдчӧм вылӧ компенсация сетӧмӧн санаторно-курортнӧя бурдӧдчӧм вылӧ сыӧн ньӧбӧм путӧвка дон мындаын, но 35 000 шайтысь оз унджык.

Санаторно-курортнӧя бурдӧдчӧмсӧ мынтӧны тайӧ пунктӧн индӧм мындаын районнӧй коэффицентӧн да Ылі Войвыв районъясын да накӧд ӧткодялӧм местаясын уджалӧмысь прӧчента содтӧдӧн вӧдитчытӧг.

2. Урчитны Отставкаын либӧ пенсия вылӧ петӧм Коми Республикалӧн Оланподув Ёрдса ёрдысьяслы санаторно-курортнӧя бурдӧдчӧмсӧ мынтан пӧрадок да условиеяс йылысь положениесӧ тайӧ содтӧд серти.

3. Лыддыны вынтӧмӧн «Коми Республикалӧн Оланподув Ёрдлысь уджсӧ могмӧдӧм йылысь» Коми Республикаса Оланпаслысь 10 статья збыльмӧдӧм йылысь» Коми Республикаса Юралысьлысь 2014 во ода-кора тӧлысь 5 лунся 45 №-а Индӧд.

4. Тайӧ Индӧдыс вынсялӧ сійӧс официалнӧя йӧзӧдӧмсянь дас лун кольӧм мысти да паськалӧ 2022 вося урасьӧм тӧлысь 7 лунсянь артмӧм инӧда йитӧдъяс вылӧ.

Коми Республикаса Юралысь

В. Уйба

Сыктывкар

2022 вося урасьӧм тӧлысь 7 лун

10 №

Отставкаын либӧ пенсия вылӧ петӧм Коми Республикалӧн Оланподув Ёрдса
ёрдысьяслы санаторно-курортнӧя бурдӧдчӧмсӧ мынтан
пӧрадок да условияс йылысь

ПОЛОЖЕНИЕ

1. Тайӧ Положениеыс урчитӧ отставкаын либӧ пенсия вылӧ петӧм Коми Республикалӧн Оланподув Ёрдса ёрдысьяслы санаторно-курортнӧя бурдӧдчӧмсӧ мынтан пӧрадок да условияс (водзӧ - ёрдысь).

2. Ёрдысьлы санаторно-курортнӧя бурдӧдчӧмсӧ мынтӧны ёрдысьлӧн санаторно-курортнӧя бурдӧдчӧм вылӧ компенсация сетӧмӧн быд во, календарнӧй вонас 1 (водзӧ – компенсация).

Компенсация мынтӧм йылысь помшуйӧмсӧ примитӧ Коми Республикаса Юралысьлӧн Администрация (водзӧ – Администрация).

Компенсациясӧ мынтӧ Коми Республикаса удж, уджӧн могмӧдан да социальнӧя дорьян министерство (водзӧ – Министерство).

3. Компенсация сетӧм вылӧ ёрдысь сетӧ Администрацияӧ компенсация мынтӧм йылысь шыӧдчӧм тайӧ Положение дорӧ 1 содтӧдын индӧм форма серти (водзӧ — шыӧдчӧм).

Шыӧдчӧм дорӧ содтӧны татшӧм документъяс:

- 1) паспорт либӧ мортӧс эскӧдысь мӧд документ;
- 2) санаторно-курортнӧя бурдӧдчӧм вылӧ путёвкӧлӧн копия либӧ санаторно-курортнӧя бурдӧдчӧм вылӧ путёвка ньӧбӧм вылӧ сёрнитчӧмлӧн копия;
- 3) санаторно-курортнӧя бурдӧдчӧм вылӧ путёвка мынтӧмсӧ эскӧдысь документ;
- 4) санаторно-курортнӧя бурдӧдчӧмсӧ эскӧдысь документ;
- 5) пенсионнӧя быть страхуйтан страховӧй эскӧдангижӧд либӧ торъя (персонифицируйтӧм) учёт нуӧдан системаын пасйӧмсӧ эскӧдысь документ, сы лыдын электроннӧй документӧн, да кытчӧ пырӧны торъя лицевӧй тшӧтлӧн страховӧй номер йылысь тӧдмӧгъяс.

Тайӧ пунктса 1, 3 – 5 пунктувъясын индӧм документъясслысь подлинникъяссӧ, кутшӧмъяс вылысь Администрацияса специалист вӧчӧ копияяс, бӧр сетӧны ёрдысьлы веськыда документъяс сетан лунӧ приём дырйи.

Сэк, кор шыӧдчӧмсӧ да документъяссӧ ыстӧны пошта пыр мӧдӧдӧмӧн, документъясслысь подлинникъяссӧ оз ыстыны, содтӧм документъяслӧн копияясслысь збыльлунсӧ эскӧдӧны да шыӧдчӧм вылын кырымпаслысь збыльлунсӧ эскӧдӧны Россия Федерацияса оланпастэчасӧн урчитӧм пӧрадокын.

Администрация пасйӧ индӧм шыӧдчӧмсӧ да документъяссӧ налӧн воан лунӧ. Шыӧдчӧм да документъяс Администрацияӧ воан лунӧн лыддьысьӧ найӧс пасьян лун.

Сэк, кор шыӧдчӧмсӧ да документъяссӧ сетӧны документъяс сетан лунӧ веськыда приём дырйи ёрдысьлы сетӧны гижсьӧг (шыӧдчӧмлысь косявны позяна юкӧнсӧ) документъясслысь лыддьӧгсӧ да найӧс примитан кадпассӧ индӧмӧн.

Сэк, кор шыӧдчӧмсӧ да документъяссӧ ыстӧны пошта пыр мӧдӧдӧмӧн, гижсьӧгсӧ (шыӧдчӧмлысь косявны позяна юкӧнсӧ) документъясслысь лыддьӧгсӧ да найӧс примитан кадпассӧ индӧмӧн ыстӧны ёрдысьлы шыӧдчӧмын индӧм ногӧн.

4. Тайӧ Положениелӧн 3 пунктын индӧм шыӧдчӧмсӧ да документъяссӧ ёрдысь сетӧ Администрацияӧ календарнӧй во чӧжӧн, кор ёрдысьлы сетӧма компенсация вылӧ инӧдсӧ.

5. Администрация тайö Положениелön 3 пунктын индём шыödчöмсö да документъяссö пасьян лунсянь 10 уджалан лун чöжön видлалö найöс да примитö татшöм помшуёмъяс пиысь öтиöс:

1) компенсация мынтöм йылысь тайö Положение дорö 2 содтöдын индём форма серти;

2) компенсация мынтöмын öткажитöм йылысь.

Администрация гижöмön юöртö ёрдысьлы примитöм помшуём йылысь сійöс примитан лунсянь 5 уджалан лун чöжön (сэк, кор примитöны компенсация мынтöмын öткажитöм йылысь помшуём, индöны подувьяссö, кутшöмъяс серти вöлі примитöма татшöм помшуёмсö) шыödчöмын индём ногön.

Администрацияөн компенсация мынтöмын öткажитöм йылысь помшуём примитан подувьясыс сыын, мый:

1) абу сетöма либö сетöма абу тырвийö тайö Положениелön 3 пунктын индём документъяссö;

2) абу кутчысьöма тайö Положениелön 2 пунктса медводдза абзацын индём условиеö;

3) абу кутчысьöма тайö Положениелön 4 пунктын индём условиеö;

6. Компенсация мынтöм йылысь помшуёмсö сійöс примитан лунсянь 3 уджалан лун чöжön Администрация ыстö Министерствоö.

7. Министерство мынтö компенсациясö ёрдысьлön рöштшöt тшöt вылö вуджödöмön, кутшöмöс индöма шыödчöмын, тайö Положениелön 6 пунктын индём помшуём Министерствоö воан лунсянь 10 уджалан лун чöжön.

8. Сэк, кор ёрдысь календарнöй во чöжön эз вöдитчы санаторно-курортнöя бурдödчöмсö мынтöм вылö инödön, компенсацияыс локтан календарнöй во вылö оз вуджödсы.

9. Компенсациясö мынтöны Коми Республикаса республиканскöй сьöмкуд сьöм тшöt весьтö.

Отставкаын либӧ пенсия вылӧ петӧм
Коми Республикалӧн Оланподув Ёрдса
ёрдысьяслы санаторно-курортнӧя бурдӧдчӧмсӧ мынтан
пӧрадок да условиеяс йылысь положение дорӧ
1 СОДТӦД

Коми Республикаса Юралысьлӧн Администрацияӧ

_____ -сянь,

_____ ,
(ов, ним, вич)

_____ ,
(мортӧс эскӧдысь документлӧн серия,
номер, сетан кадпас,

_____ ,
органлӧн ним,
кодӧ сетӧс мортӧс эскӧдысь документсӧ)

_____ ,
(оланӧн серги пасьян инпас,
пошта инпас)

_____ ,
(телефон)

ШЫӦДЧӦМ

«Отставкаын либӧ пенсия вылӧ петӧм Коми Республикалӧн Оланподув Ёрдса ёрдысьяслы санаторно-курортнӧя бурдӧдчӧмсӧ мынтан пӧрадок, мында да условиеяс йылысь» Коми Республикаса Юралысьлӧн 2022 во урасьӧм тӧлысь 7 лунся 10 №-а Индӧд серги кора мынтыны меным санаторно-курортнӧя бурдӧдчӧм вылӧ компенсация (водзӧ – компенсация).

Компенсациясӧ кора вуджӧдны _____

(финансово-кредитнӧй учреждениелӧн ним)

финансово-кредитнӧй учреждение пыр, _____ тшӧтлӧн
реквизитьяс.

АСПАС ОБРАБОТАЙТӦМ ВЫЛӧ СӦГЛАСЛУН

Юӧрта, мый меӧн сетӧм став аспасыс лоӧ тырвыйӧбсь да стӧчӧн, да найӧс эскӧдӧм вылӧ меным быть колӧ сетны лӧсялана документьяс.

«Аспас йылысь» 2006 во сора тӧлысь 27 лунся 152-ФЗ №-а Федеральнӧй оланпас подув вылын таӧн ме сета позянлун Коми Республикаса Юралысьлӧн Администрациялы (Сыктывкар, Коммунистическӧй ул., 9), Коми Республикаса удж, уджӧн могмӧдан да социальнӧя дорьян министерстволы (Сыктывкар, Интернациональнӧй ул., 174) корны бокӧвӧй йӧзлысь (организациясысь, канму органьясысь да мукӧдлаысь) содтӧд тӧдмӧгьяс, кутшӧмьяс колӧны меным компенсация мынтӧм вылӧ.

Ме сӧглас, мый менсым аспасӧс, сы лыдын: ов, ним, вич, чужан во, тӧлысь, кадпас да чужанӧн, инпас, мукӧд юӧр кутасны обработайтны, видзны, комплектуйтны, тӧд вылӧ босытны, вӧдитчыны сыӧн, та лыдын сетны кызди автоматизация средствеясӧн вӧдитчӧмӧн, сӧдзи и наӧн вӧдитчытӧг компенсация мынтӧм йылысь помшуӧм примитӧм могысь.

Шыӧдчӧм дорӧ содта татшӧм документьяс:

- 1) _____ ;
- 2) _____ ;
- 3) _____ ;
- 4) _____ ;

5) _____ .

Кора ыстыны документъяс примитӧм йылысь гижсьӧгсӧ (гижсьӧ шыӧдчӧмсӧ да документъяссӧ пошта пыр ыстӧгӧн)

- пошта пыр мӧдӧдӧмӧн (индыны инпас)
 электроннӧй пошта инпас вылӧ (индыны электроннӧй пошта инпас)

Кора юӧртны примитӧм помшудӧм йылысь:

- пошта пыр мӧдӧдӧмӧн (индыны инпас)
 электроннӧй пошта инпас вылӧ (индыны электроннӧй пошта инпас)

Компенсация мынтан пӧрадокӧн, мындаӧн да условиеясӧн тӧдмаси

_____ (кадпас)

_____ (кырымпас)

Содтӧд: ____ лист вылын.

ГИЖСЬӦГ

_____ гражданинлысь шыӧдчӧмсӧ да документъяссӧ примитӧс

_____ специалист

Сетӧм документъяслӧн лыддьӧг:

- 1) _____ ;
- 2) _____ ;
- 3) _____ ;
- 4) _____ ;
- 5) _____ .

Шыӧдчӧмсӧ пасйӧма: _____ вося _____ «__» лун

_____ (Коми Республикаса Юралысьлӧн Администрацияса уджалысьлӧн, кодӧс уполномочитӧма пасйыны шыӧдчӧмъяссӧ, кырымпас, ов, ним, вич да чин)

Штамп

Отставкаын либӧ пенсия вылӧ петӧм
Коми Республикалӧн Оланподув Ёрдса
ёрдысьяслы санаторно-курортнӧя бурдӧдчӧмсӧ мынтан
пӧрадок да условияс йылысь положение дорӧ
2 СОДТӦД

Коми Республикаса Юралысьлӧн Администрация

(канму органлӧн ним)

Санаторно-курортнӧя бурдӧдчӧм вылӧ компенсация мынтӧм йылысь
_____ №-а ПОМШУӦМ

_____ вося _____ «__» лун

«Отставкаын либӧ пенсия вылӧ петӧм Коми Республикалӧн Оланподув Ёрдса
ёрдысьяслы санаторно-курортнӧя бурдӧдчӧмсӧ мынтан пӧрадок, мында да условияс
йылысь» Коми Республикаса Юралысьлӧн 2022 во урасьӧм тӧлысь 7 лунся 10 №-а
Индӧд серти мынтыны Коми Республикалӧн Оланподув Ёрдса ёрдысь, кодӧ отставкаын/
пенсия вылын (коланасӧ визьнитны),

_____ -лы ,

(отставкаӧ петӧм ёрдысьлӧн ов, ним, вич)

санаторно-курортнӧя бурдӧдчӧм вылӧ компенсация

_____ шайт _____ ур мындаын

Подув: ас шыӧдчӧм

Коми Республикаса Юралысьлӧн
Администрацияӧн Юрнуӧдысь

(кырымпас)

(кырымпас гӧгӧрвоӧдӧм)

Печать места